

欽定四庫全書

普濟方卷二百八十二 明 周王朱橚 撰

癰疽門

總論

經云黃帝問於岐伯曰癰疽何以別之岐伯答曰榮衛稽留於經脈之中則血澁不行衛氣壅遏而不通故生大熱熱盛則肉腐為膿然不能陷於肌膚骨髓不為焦枯五臟不為傷損故命曰癰黃帝曰何為疽岐伯答曰

欽定四庫全書

普濟方

熱毒熾盛下陷肌膚骨髓皆焦枯內連五臟血氣痼竭當其病下筋骨良肉無餘故命曰疽疽者其上支已夭堅如牛領癰者其上皮薄已澤此其候也黃帝曰善然五臟不調則致癰久患消渴之流亦多發癰疽之疾岐伯曰喜怒不測飲食不節陰氣不足陽氣有餘榮衛不行血氣不通而熱相搏乃發為癰疽凡服乳石之人常須小勞怡悅神思夫乳石之氣隨開而行遇閉而止止則血脉凝澁瘡疣生焉或不遂志欲加之以怫鬱憂憤



蓄積貪恣驕狠飢飽勞逸負恃之變遂致血氣天結固
而為病論云夫陰陽蘊結臟腑為之積聚血氣凝澁榮
衛為之壅滯陽滯於陰則生癰陰滯於陽則生疽癰疽
之生有內有外內則生曾腹腑臟之中外則生膚肉筋
骨之表凡此二毒發無定處而有常名夫壅滯之本者
始於血老不作汗肉陳不脫垢蒸氣不能外達留積遂
成內熱所為也夫癰疽生膿水之成非天降非地出蓋
積微所成也凡癰疽癰腫纔萌之時並須以湯水注射

欽定四庫全書

普濟方

之欲治此疾先須辨識定其淺深究其根源療之必愈
熱發於皮膚之間是以浮腫根小至過二三寸者為癰
也六腑積熱騰出外肉之間其發暴盛腫皮光軟侵展
廣大為癰也五臟風毒積熱攻焮於肌骨風毒猛暴初
出一頭如瘡癰形白焦枯觸之應心者疽也癰起於六
腑浮達易理若燎原之火外潰膚肉疽生於五臟沉澁
難治若陶室之燧內消骨髓癰則易治唯難將息而遲
瘡疽則難療易得瘡復癰與癰初生並宜灸之為其氣



本浮達以火導其熱令速暢也疽則宜烙不宜灸為其
氣深須達其源也又已盛是膿慎勿可灸則須針烙方
能瘥也凡瘡癰生於外皆由內熱所致當要服藥以下
之終須外療以求瘥服藥所以助療法也夫治癰疽須
以湯液疏其內針烙疏其外然則癰疽有虛有實虛則
補之實則瀉之有實熱者易治虛寒虛邪熱多者難愈
腫起堅硬膿稠者為實腫下軟慢膿稀者為虛蓋病者
多為方法而無次叙臨時倉皇何能辨於此疾淺深是

欽定四庫全書

普濟方

以斃也凡癰疽瘰癧不問虛實寒熱皆由氣鬱而成經
云氣宿於經絡與血俱澁而不行壅結為癰不言熱之
所作而後癰者此乃因喜怒憂思有所鬱而成也此屬
內因又有熱被風冷搏之血脉凝滯不行熱氣壅結而
成亦有陰虛陽氣湊襲寒化熱熱盛則肉腐為膿此屬
外因寒熱風濕所傷而成也又服丹石及炙煇酒麪濕
床厚被所致或盡力房室精虛氣竭所致者此屬不內
外因所傷而成之也如是但陰陽不平有所壅結皆成



癰疽而此二毒發無定處當脉別之洪浮滑數則為陽
微沉緩瀋則為陰陰則熱治陽則冷治○癰疽之疾二
十餘証燦發石發巖發蜂窠發蓮子發椒眼發連珠發
竟體發有腸癰內發腦發背發眉發顛領發肺癰腎癰
妳癰臍癰臀發腿發外有手發足發穿當發鬚癰爪瓠
發大率隨病淺深分證內外便行施治不可遲緩毋致
孔洪方為妙手凡癰疽始作便有發熱惡寒或有痛處
脉浮而緊是欲為癰疽非傷寒之候也經言五臟不調

欽定四庫全書

普濟方

致疽六腑不和生癰一曰癰疽急者二三日殺人緩者
十餘日殺人二曰癰疽急者十餘日殺人緩者一月死
三曰緩疽急者一年殺人緩者數年死四曰水疽所發多
在手足數年猶可療疽有數十種若如此千般發癰之
疾所發緩地不殺人所發若在險地宜令即外消一為
腦戶二為舌本三為玄癰四為候節五為胡脉六為五
臟擊八為兩乳九為心鳩尾十為兩手魚十一為腸屈
之間十二為小道之後十三為九孔十四為兩膈腸十



五為神主之舍 <small>一本云主客之舍</small> 凡十五處不可傷而況於癰	乎若癰發此地遇良醫能不及大膿者不救致大膿害	及矣黃帝曰願聞癰疽之形與其期日岐伯曰癰疽之	極十八腫又癰疽發咽名曰猛疽猛疽不療則血化為	膿為膿不瀉塞咽半日死其化膿者瀉已則含豕膏無	冷食三日而已一云無食發於股脰名曰股脫疽其狀	不甚變而癰腫膿搏骨不急療三十日死 <small>內曰股股外曰髀膝上</small>	<small>股下骨稱曰股脰也</small> 發於脇名曰改訾訾者女子之疾也久之其	欽定四庫全書	普濟方	狀大癰膿其中乃有生肉大如赤小豆療之方剉連翹	草及根各一斤以水一斗六升煮令竭取三升即強飲	厚衣坐釜上令汗出至足已發於尻者名曰兌疽其狀	赤堅大急療之不療三十日死發於脛者名曰兔嚙其	狀赤至骨急療之不療害人發於足上下者名四淫其	狀大如癰不急療百日死又發於眉及臍者名曰疵疽	其狀赤黑急療之此令人汗出至足不害五臟癰發四	五日逆炳之上灸百壯石子當碎出也不出可益壯又
---	-----------------------	-----------------------	-----------------------	-----------------------	-----------------------	---	---	--------	-----	-----------------------	-----------------------	-----------------------	-----------------------	-----------------------	-----------------------	-----------------------	-----------------------



石癰者始發皮際相親著不赤頭不甚堅微痛熱熱漸 自歇便堅如石故謂之石癰難消又不可得自熱縱愈 皆百餘日也又發癰兩頭牽而傍推無根者又不痛結 筋非癰也發癰狀如蛇雖極大此肉瘤非癰也腫一寸 至三寸癰也三寸至五寸癰也五寸至一尺癰疽也一 尺至三尺名曰竟體疽腫成膿九孔皆出諸氣憤鬱不 遂志欲者多發此疾癰及疽血瘤鼠乳石癰結筋癰瘰 皆不可就針角針角少不及禍者又發於腋下堅赤者 欽定四庫全書 普濟方	名曰米疽療之用砭石欲細而長踈啟之塗以豕膏六 日已勿裏其癰堅而不潰者為馬刀挾纓急療之 <small>太素經曰</small>	<small>頸前</small> 發於股陰者名曰赤弛不急療六日死在兩股之 內不可療一云六十日死發於膝者名曰疵疽其狀大 癰色不變寒熱而堅勿石石之死湏其柔色異乃石之 者生 <small>冷不熨之柔乃破 之準例破之也</small> 又諸癰腫之發於節而相應者 不可療 <small>太素經云膿入節 問故不可療也</small> 又發於陽者百日死又發於 陰者三十日死 <small>丈夫陽器曰陽 婦人陰器曰陰</small> 又發於踝者名曰走緩
---	---	---



<p>疽其狀肉色不變數石其輸數而止其寒熱不死<small>冷石</small> <small>所由</small>又發於足傍者名曰癩疽其狀不大初從小指發</p>	<p>急療之去其黑不消輒益不療百日死<small>傍云足</small>又發<small>外側也</small></p>	<p>者名曰井疽狀如大豆三四日起不早療下入腹入腹</p>	<p>不療十日死<small>太素經云寒熱</small>又發於足指者名曰脫疽</p>	<p>其狀赤黑死不療不赤黑可療療不衰急斬去之得活</p>	<p>不去者死又發於膺者名曰疔疽其狀如穀實瓜萑常</p>	<p>苦寒熱急療之去其寒熱不療十日死死後出膿又發</p>	<p>欽定四庫全書 普濟方</p>	<p>於頸者名曰天疽其狀大而赤黑不急療則熱氣下入</p>	<p>淵腋前傷任脉内薰肝肺十餘日死<small>太素經云項</small>凡五</p>	<p>臟六腑膜中府隱隱而痛者肺疽也上肉微起者肺癰</p>	<p>也<small>中府在雲門下一寸六分</small>臣闕隱隱而痛者心疽也</p>	<p>心上肉微起者心癰也<small>臣闕一穴在鳩</small>期門隱隱而痛</p>	<p>者肝疽也上肉微起者肝癰也<small>期門二穴在第二肋傍</small></p>	<p>章門隱隱而痛者脾疽也上肉微起者脾癰也<small>章門在</small></p>	<p><small>一名長手</small>京門隱隱而痛者腎疽也上肉微起者腎癰</p>
---	--	------------------------------	---	------------------------------	------------------------------	------------------------------	-----------------------	------------------------------	---	------------------------------	---	---	---	---	---



下者藥之必瘥又曰患人面忽有赤色多貫上下如脂
有赤色從額上下至鼻又黑色出額上大如指及連鼻
上至眉又有赤色垂者並為死候不可藥○夫癰疽破
潰之後其形狀有逆有順眼白精黑而眼小一惡也不
能下食納藥而嘔食不知味二惡也傷痛渴甚三惡也
膊項中不便四肢沉重四惡也聲嘶色脫唇鼻青黑面
目四肢浮腫五惡也煩躁時嗽腹痛渴甚泄利無度小
便如淋六惡也膿血大澁焮痛尤盛膿色敗臭不可近

欽定四庫全書

普濟方

之七惡也喘麤氣促恍惚嗜卧八惡也未潰先黑久陷
面青唇黯便溲者九惡也更有氣噫痞澁咳嗽自冷自
汗無時瞪目耳聾恍惚驚悸語言顛錯皆是惡證動息
自寧飲食知味一善也二便利調二善也神彩精明語聲
清朗三善也膿潰腫消色鮮不臭四善也體氣和平五
善也五善見三則吉諸惡見四必危若五善併至則善
無以加九惡駢臻則惡之劇矣○病者脉數身無熱反
洒淅惡寒若有痛處皆發其癰腫欲知有膿無膿以手



掩上若熱者為膿不熱者無膿此亦大類說也若脈不數不熱而痛者蓋發於陰也不疼尤是惡證不可不知凡熱盛脈數即用漏蘆并單煮大黃等湯不甚熱脈緩弱只投五香連翹湯其他依四節八事次序便推三因以用其藥未有不全濟也診其脈浮數而洪緊者其瘡腫脅作常身熱煩渴飲食知味此乃六腑不和大則為癰小則為癰其勢雖急投以涼劑亦多全活若診其脈沉細而伏或沉緊而數初發之瘡其微或無瘡頭身不

欽定四庫全書

普濟方

發熱而內燥體重煩疼情緒不樂胃膈痞悶食不知味或惡聞食氣五臟不調為疽屬陰蓋癰癰則屬腑故發之浮而淺其勢雖急而作毒緩疽則屬臟毒氣內蓄之深勢雖緩而反急若瘡疽之人膿血大泄脈滑數者難治也凡瘦膿多或如消泔脈滑大散寒熱發渴者治之無功也若患肺瘡者咳嗽膿血脈見洪滑治之難全矣大凡診脈見浮數應當發熱而反惡寒雖頭項拘急四肢煩痛或復戰慄渴甚者但有痛處欲發瘡腫也浮數



之脉應發熱其不發熱而反惡寒者瘡疽之謂也脉洪大者瘡疽之病進也如瘡疽結膿未成者宜下之膿潰之後脉見洪大則難治若自利者不可救治也仲景曰脉數不時見則生惡瘡也又曰肺脉俱數則生瘡也診諸瘡洪數者裏欲有膿結也瘡腫膿潰之後而煩痛尚未全退者診其脉洪滑麤散難治也以其正氣虛而邪氣實也瘡腫之病診得芤脉膿潰後易治以其脉病相應也若癰癧結腫診得牢脉者不可內消也瘡疽之人

欽定四庫全書

普濟方

得實脉宜急下之以其邪氣與臟腑俱實故也弦洪相搏外緊內熱欲發瘡疽也瘡腫潰後得濇脉無妨也瘡腫脉短真氣短也瘡腫之病脉來細而沉時直者裏虛而欲變證也潰後脉微而勻舉自瘥也凡諸瘡腫潰後其脉濇遲緩者皆易愈以其脉候相應是有胃氣也瘡腫得沉脉邪氣沉瘡腫脉虛宜托裏和氣養血也瘡腫得軟脉補虛排膿托裏大抵瘡家沉遲濡弱皆宜托裏瘡腫脉促亦急下之大凡瘡腫之病脉促結者難治而



況見代脉乎凡瘡疽腫大按之乃痛者膿深也小按之
便痛者膿淺也按之不甚痛者未成膿也若按之即復
者有膿也不復者無膿也非也必是水也若發腫都軟
而不痛者血瘤也發腫日漸增長而不大熱時時牽痛
者氣瘤也結微腫久而不消後亦成膿此是寒熱所為
也畱積經久陰生陽寒化為熱以此潰必多成癭凡癩
癰疽以手掩其上大熱者膿成自軟也若其上薄皮剥
起者膿淺也其腫不甚熱者膿未成也若患癰癧結核

欽定四庫全書

普濟方

寒熱發渴經久不消者其人面色痿黃被熱上蒸已成
膿也至於臟腑腸胃內瘡內疽其疾隱而不見目既不
見手不能近可以診其脉而辨之有患胃腕癰者當候
胃脉人迎者胃脉也其脉沉細者氣逆則甚甚則熱聚
胃口而不行胃腕而胃癰也若其脉洪數者膿已成也
診脉遲緊膿雖未成已有瘀血也急宜治之不則邪毒
內攻腐爛腸胃不可救矣肺癰疾萌則可救膿已成則
必死不可不慎也久嗽膿如粳米粥者不治嘔而止者



自愈也○癰疽發背俗以腫痕所至為暈非真暈也暈於瘡口之傍如紅筋之狀纔見暈則非美證矣一暈二暈以至三暈尚可措手若四暈五暈是臟腑蘊受銳毒斷斷難醫○凡五子曰夜半五丑曰鷄鳴五寅曰平旦五卯曰日出五辰曰食時五巳曰禺巾五午曰日中五未曰映五申曰晡時五酉曰日入五戌曰黃昏五亥曰人定五此日時遇疾病者皆不起也○夫治癰疽發背腦發鬚發髻發頤發筋發腰發腿發或發於四肢或婦

欽定四庫全書

普濟方

人妳癰不問男女一見有此疾者皆可即使用此法灸之無不安愈其法先令病人以肘凭几豎臂腕要直用篾一條自臂腕中曲處男左女右貼肉量起直至中指尖處截斷為則不量指甲却用竹杠一條令病人脫衣騎定令身正直前後用兩人扛起令脚不着地又令二人扶定勿令僵卧却將前所量臂腕篾從竹杠坐處尾骶骨盡處直向上貼脊背量至篾盡處為則用黑點定此只是取中非灸穴也却用薄篾作則子量病人中指



節相去兩橫紋為則男左女右截為一則就前所點記
處兩邊各量一則盡處即是灸穴兩穴各灸五壯或七
壯止不可多灸不問癰生何處並用此法灸之無不愈
者一云可視發疽發於左則灸右發於右則灸左甚則
左右皆灸蓋此二穴心脉所過處凡癰癤皆心火留滯
而生灸此則心火流通即是安愈可以起死救危有非
常之效屢試屢驗矣素問云諸痛痒瘡皆屬於心又云
榮氣不和逆於肉裡乃生癰腫榮者血也心能行血心
滯則血為之不行故逆於肉裡而生癰腫灸此穴使心
火調暢血脉流通愈於服藥多矣

欽定四庫全書

普濟方



<p>第 一 圖</p> <p>先後男左女 右臂腕中曲 橫紋起用薄 篋一條量至 中指齊肉盡 處不量指小 為則剪斷</p>	<p>欽定四庫全書</p> <p>普濟方 卷二百八十二</p> <p>十五</p>	<p>第 二 圖</p> <p>男以左手女以右 手先出中指用薄 篋量取中間一節 兩橫紋斷為同身 一寸為則子</p>
--	---	---



第

先令病人脫去上下衣服以竹
扛一條跨定令兩人徐徐扛起
足要離地五寸兩傍更以兩人
扶定毋令動動不穩却以上第
一圖則子貼定扛後尾閭起貼
脊量至則子盡處以墨點定記
之非灸穴也此是取中穴止處
却以第二圖取灸穴

三

圖

欽定四庫全書

普濟方

又法初覺皆有點白粒并赤腫先從背脊骨第二節下
陷中兩旁相去同身寸各一寸五分名肺俞穴此穴宣
泄背上諸陽熱氣兩處可灸七壯止同身寸法取男左
女右中指頭比此近掌橫紋為三寸對折點定從脊骨
點定處橫量兩頭盡處是穴大抵人年四十已上最宜
灸此其背永無癰瘡之苦凡在癰疽初作不論腫赤濶
狹可依後論墨圍津潤一二日覺毒勢盛便以獨頭蒜
切作片薄如錢樣安置毒上以艾炷不論壯數灸之惟



多為妙人皆以謂熱極不可復灸殊不知本寒邪所傷
艾火攻散迺善本皮血化熱盛皮肉之間不能外泄皮
膚頑厚漸逼入內譬如強盜入室迫近於主主力且弱
以兵鬪之不若開門與出乃順所以灼艾火攻特破其
肌則邪毒無所容留而真氣不耗灸則任其潰乃調膿
排痛如錐刀所刺壞肉壞筋而膿從骨間出既傷臟膜
此不復治付之無可奈何雖人老壯亦用施治或處於
僻鄉無藥可贖或居貧乏無力不得不問貧富貴賤均

欽定四庫全書

普濟方

可施治但頭上瘡及項以上見瘡不可就瘡頂上輕意
灸之反生大禍但可以騎竹馬取穴法及足三里穴灸
之多獲其效○凡蒜餅上灸者本草名萌又名蒜味辛
溫有毒主散癰腫不宜多食然假火勢以行藥力或有
灸去不用只以艾炷安毒上便灸此法可施治頑疽癩
發之類必假火熱攻令速潰大抵用葫善決若有赤腫
紫黑或有惡腫葫法施治至妙○灸癰疽發背其灸法
正在不痛者灸至痛痛者灸至不痛或有灸而痒者大



抵初灸即痛毒氣方聚漸次相攻作痛無疑皮肉既傷又有
灼艾時間或作痒令人抓其旁者又有初灸而不痛者毒
氣內陷病人昏倦惡腐不散多壯不痛又云痒者灸至不痒
痛者灸至不痛仍服追毒排膿次乃外傳消腫內外兼治
又云癰疽不可不痛又不可太痛悶亂不知痛者為難治
○若諸瘡經久不瘥變成癭者宜用硫黃一塊可瘡口大小
安之別取少許硫黃於火上燒用釵尖挑起取陷點硫黃
令著三五遍取膿水乾瘡為度若其發背初生即宜土

欽定四庫全書

普濟方

餅灸法灸之初覺背上有瘡痛痒頗異認是發背即取淨

土水和捻作餅子徑一寸厚二分貼著瘡上以艾作炷灸之一炷

一易餅子其瘡粟米大時可灸七壯其瘡如錢許大日夜不住

灸以瘡為度瘡癭惡瘡諸醫不驗取蟬螬剪去兩頭安瘡

口上以艾灸之七炷一易不過七枚無不效者又法用乞火婆

中灸之同前法累驗之神效人皆秘之往往父子不傳○

凡發背皆發出自腸胃流入五臟漸流多脚氣為主或有

先服乳石并熱肉麪房室過度皆作此疾縱身不曾服



乳石先代服亦有此病或有下痢人服麩過度亦有患
者請依後方萬不失一發背一覺有腫即須審脊根硬
軟如硬頭一點白繞四邊紫黑氣時掣痛憎寒不食狀
若天行此石癰知是此狀即須當上灸百壯艾炷大如
鼠屎許大凡發背初亦一點白四邊赤色漸漸長大或
盃盞并椀許大四邊生飯漿小小瘡如粟米許大亦時
時抽掣痛此兩狀皆是死病十日內堪醫十日以外不
濟就中冬月得此病即延得三五日其發背初覺即須

欽定四庫全書

普濟方

當頭灸二十一壯如盃許大即五花灸之各二十一壯
即服牛蒡草子括蕒葛粉第三服犀角湯瀉之不然服
犀角丸亦得大效也忌梨鯉魚麩酒肉漿水粥○凡癰
疽發背初生如黍粟粒許或痒或痛覺似有即用湯火
淋射兼貼藥熨之經一兩日不退須當上灸之一二百
壯如菽豆許大凡灸後却似焮痛經一宿乃定即火氣
下徹腫內熱氣被火導之隨火而出也若能於瘡頭四
邊相去各一寸已來更花灸尤妙其瘡若知痒即宜隔



不得便灸且以諸方法及湯水注射并用諸藥燻之若	一寸五分	去陝豁旁	以上據鍼經並禁不可灸或於上出瘡癰亦	石門	在女子禁不灸伏兔	二穴在臍	地五會	在足小指次	下關	在耳前動	耳中耳門	禁不	人迎	在喉旁通五臟	中瘡門	在頂後髮	中脊中	在第十一	三陽絡	在臂上一寸	窻	在兩乳中	腦戶	在枕骨上	風府	在腦後髮際	一寸	神庭	在髮際	承泣	在瞳子陷中	絲竹空	在眉後	膺	毒甚不可不知也○頭維	在額角髮際	一寸承光	在頭上	後焮痛必倍為熱氣益盛膿伏內攻之火灼其外轉增	灸三壯不覺痛者為上肉已夭其下膿深及至數壯之	辨即便灸之或癰癤成膿之後即便灸之皆能害人初	夫疽初生形如疔癩頭白焦枯氣本深沉治者既不精	瘡苦痛即須苦灸仍壯數惟多為妙若是疽即不宜灸	起少頃再安只灸七壯而已鼓餅若乾更換新者尤佳	薄如三錢已來當瘡頭鼓餅上灸之若覺大熱即微取	鼓餅灸之其鼓餅須以椒薑鹽葱相和爛搗捏作餅厚
-----------------------	------	------	-------------------	----	----------	------	-----	-------	----	------	------	----	----	--------	-----	------	-----	------	-----	-------	---	------	----	------	----	-------	----	----	-----	----	-------	-----	-----	---	------------	-------	------	-----	-----------------------	-----------------------	-----------------------	-----------------------	-----------------------	-----------------------	-----------------------	-----------------------

欽定四庫全書

普濟方



已成膿即須灸烙出之為其內已有膿縱針烙出之即
並無妨○大抵膏梁之人既得斯疾於心有怯一毫冷
藥斷不肯服殊不知毒氣方盛之時外被敷藥閉其毫
孔內服溫藥助其毒氣致冷之氣無路發越內攻臟腑
傾人性命急如反掌古人云癰瘡未破毒攻臟腑一毫
熱藥斷不可用癰瘡已破臟腑已虧一毫冷藥亦不可
用此先後之要訣也○內托散又名萬金散
又名托裏散五香連翹
湯沉麝湯甚者追毒丹又名神仙萬
病解毒丸及漏蘆湯已上皆
欽定四庫全書
普濟方

宣熱散毒之藥既灸之後毒氣有路而出服藥之後使
毒氣不傷臟腑然後玩味方論或命醫者商確疾證依
法調治亦未晚也若有煩熱口燥咽乾大便秘難六脉
沉實而滑或洪數有力便可投之以漏蘆湯大黃等藥
或追毒丸為宣熱拔毒之計或有瀉證醫者不可便歸
咎於藥以為張本之計殊不知患癰疽之人每有泄瀉
皆是要候若疑似間但服內托散次五香連翹湯沉麝
湯五七之後繼之以國老膏萬金散牛膠飲子忍冬酒



柞木散黃礬丸遠志酒之類皆可選用以為破敵之需
已上諸方不冷不熱不問老幼少壯陰陽虛實冷熱多
服為妙自有奇功○凡癰疽始作皆須以大黃等藥極
轉利之既利之後病人當自知之勿以困苦為念若曰
與其腹背潰爛臟腑焦枯膿血流漓孔穴穿空備諸惡
而死不若利而死況有生道哉古聖賢立法率用五香
連翹漏蘆等湯道路貧苦恐不能及即單煮大黃甘草
作湯以利之須排日不廢直至膿潰漸有生意即服黃

欽定四庫全書

普濟方

耆等藥排膿止痛今外臺備矣世醫不學蔽以妄意不
達標本皆曰瘡發於表豈可轉利死者比比良可悲夫
○一初覺得背疽之疾便合服內托散又名乳香萬金
散後來方免變證口舌無瘡此藥但可服十數止便以
騎馬法灸之或用隔蒜法灸之亦可○即合繼服五香
連翹湯此藥如大便寬快內熱既退即便住服若一二
日之後大便再閉須再服之要取利毒氣至盡然後住
服亦須看病人虛實量其輕重而進藥○一癰破後多



服排膿內補散無嘔逆用酒調下有嘔逆木香湯下又
若癰疽破後當終始服餌不可輟○一癰疽初作之時
便要著艾既灸之後便宜用麥飯石膏四圍塗傅以護
其根脚不可使開中心却要留癰口如錢大使毒氣出
如癰漸小隨其大小傅之直候疽破膿潰之後口收只
有徑寸許用神異膏貼傅却住用麥飯石膏○癰疽纔
破有口便合用猪蹄湯洗其初連日洗五日後間日洗
欲安之際三日一洗○一癰疽既破膿血潰多五七日

欽定四庫全書

普濟方

後方可用神異膏貼若根脚小五日後貼如潤大湏七
日十日後可貼傅○一癰口將收之際最忌用急澁斂
口之藥只宜用神異膏貼多見昧者破此一段不過病
者厭於將理醫者急於獲利不思毒氣發泄未盡其疾
再來人命自此不救○癰疽將安之際宜多服加味十
全湯以補其氣血庶使肌肉易生故也○一前後病疽
之人多是先發渴而後背疽作或有背疽安而後發渴
疾因此不救者甚多若有渴疾之人宜專服加減八味



丸能使渴疾安疽疾不作若驟得背疽之疾既安之後
不問有無渴證宜常服加減八味丸此藥非時可以度
絕渴疾之將來亦且大能滋益氣血生長肌肉使精神
強健此乃累試之驗忍冬丸亦妙又名驚鷲藤○一前
方須是居于州縣及有力之家方得及之若居僻鄉及
無力之人只可用驚鷲藤酒一名忍冬草此一方終始
服餌候其疽破即以神異膏貼之然神異膏所用藥材
皆非貴細難得之藥前後用此百發百中○一嘔逆有

欽定四庫全書

普濟方

二證一證謂初發時不曾服內托散熱在心一證有氣
虛脾氣不正而嘔當仔細審察病證參酌用藥若是因
熱而嘔者外證心煩身熱癰作痛即是伏熱在心合用
內托散服三兩服即止不可多服若是氣虛而嘔其證
心不煩熱遇早便嘔或聞穢氣而嘔早晨宜服嘉禾散
如有寒熱宜服家傳不換金正氣散仍五更初兼服山
藥丸以補腎○凡瘡家皆用宣利去其毒根蕩滌陳莖
假如神仙追毒丸六味車螯散五香連翹湯千金漏蘆



湯用藥無過此法更當詳辨稟賦強弱臨時加減大抵治
瘡要法須是臟腑堅而不秘通而不泄則真氣不耗邪無所
留如治秘結神功麻仁丸最妙謂如老人腸胃虛精液耗便
秘不利精神昏濁服之必安可以類推凡瘡潰之後尚覺虛
熱可與五香湯內加犀角末黃耆人參之類大便秘小便赤
可與五香湯加大黃朴硝○大抵癰疽不可舍五香湯假如
治瘡溫藥必有桂以通血脉理疎不足宣導百藥冷藥必用
地黃補五臟內傷不足通血脉益氣力填骨髓長肌肉作湯

欽定四庫全書

普濟方

除熱萬金散一方用乳香菘豆粉二味乳香消諸癰腫毒
菘豆壓熱下氣消腫解乳石服至一兩則香透徹瘡孔中出
二味真良藥也○氣血聞香則行聞臭則逆大抵瘡多因
榮氣不從逆肉理鬱聚為膿稍得香味血行氣通必無凝
滯多服連翹湯萬金散秘傳金粉散凡瘡家本自腥穢又
加臭惡因而相觸反成大患毒氣入胃令人咳逆古人用
香可謂有理且如飲食之中調令香美益其脾土養其
真元可保無虞○凡癰疽之疾初服頭藥失序或不曾



服內托散又無藥宣得內毒致令熱毒衝心經咽喉口
舌生瘡甚至生紅黑菌變證甚速難於醫療合預備琥
珀犀角膏治之向曾有人因疽而生此證醫者以為心
臟絕盡皆設辭退醫進此藥一日而安當先服犀角散
防有此證又熟視詳審俟其潰熟膿透於外其勢盈盈
欲出只用替針丸自瘡頭咬開不半日許其膿自出切
不必用針刀也○腎脉虛甚當用補藥而有牴誤處如
用鹿茸附子之藥是抱薪救火如用平補之藥腎氣猝

欽定四庫全書

普濟方

難平復若俟河之清向曾有人苦疽疾正生此一證諸
醫無策愚云昔嘗聞一名醫講論凡人遇五更初腎氣
必開若一語言咳嗽口唾即腎復合遇腎開時進一服
平補藥其功效勝尋常服峻補之藥十數服愚以此策
獻之遂選用山藥丸所用皆平補腎氣全無僭燥偏重
之藥依此法而進詳以告病者與其侍傍之子弟如法
而服三日而醫者診脉已平復矣凡疽疾之人腎脉虛
弱未可使如古人之論以為不可治者有人痼冷虛弱



危困如其法而用藥可謂用力寡而收功倍矣無比山

藥丸

方見虛勞
羸瘦類

如是病人氣弱不進飲食合服嘉禾散

如贖到見成散子每五兩宜加人參丁香木香沉香白

豆蔻仁各二錢重昨曾有人苦疽疾醫者用藥失序久

而不瘥因致虛弱全不飲食愚欲進嘉禾散而諸醫爭

言內有丁香發熱不可用殊不知治疽之藥丁香預其

一況有因怒氣而發疽今嘉禾散中所用之藥盡平和

益脾胃降氣者辨論不勝遲遲數日服他藥無效卒後

欽定四庫全書

普濟方

用之而病人方能進食自此已後遇早晨住服他藥必

進嘉禾散一服疾安而後已

方見隔
噎門

○夫膿腫之生於

外者由熱毒之氣蘊結於內也蓋腫于外有生頭者有

漫腫者有皮厚者有皮薄者有毒氣深者有毒氣淺者

有宜用溫藥貼熯者有宜用涼藥貼熯者有可以乾換

其藥者有可以濕換其藥者深淺不同用藥亦異是以

不可不辨也若瘡腫初生似有頭者即當貼溫熱藥引

出其毒熱火就燥之義也于四畔赤焮處擣生藥貼熯



之折伏其熱勢驅逐其邪惡撲火之義也夫生寒藥勢
氣力精全性味雄健或有療者不本物理皆通用藥草
膏之類有勢力微欲使尫瘠者敵其勇夫不亦難乎又
有粗工不審逆從用寒藥敷貼趁逐邪毒復入於內歸
於肝心十死八九矣大抵敷貼之藥欲消散腫毒血脉
疎通寒熱逆從斷其去就焉須不可執方無權安能散
於鬱結不成膿乎其腫皮厚者以故軟帛或以花紙塗
藥貼燻之待其藥乾換其皮薄者即用疎紗或薄紙塗

欽定四庫全書

普濟方

藥貼燻之其藥未乾即當換之若是膿潰之後即貼温
肌生肉膏藥要在逐臭腐排惡汁取死肌生良肉全藉
温熱膏劑之力也切勿用寒涼之藥水調貼之夫脉喜
温而惡寒若著冷氣過理即血滯難瘥矣○濟生方嵇
論治法云金人大定間有遇異人傳狗寶丸得之者以
獻之偽主其後嵇乃事偽朝以外科奉御療將士金瘡
有功金主以其本賜焉嵇治瘡凡癰疽疔漏皆以狗寶
丸為第一義先投狗寶丸半時次投熱葱粥以助之後



被蓋覆病者使汗出周流則毒勢隨汗而解若汗不出則不可療矣汗罷則瘡之陷者必起散者必聚以烏龍膏傳其腫若腫之外有赤暈者則以解毒散傳之凡傳藥必以自外向裏塗之看正瘡大小凡正瘡之上不許加分毫藥每日隨證服五香連翹湯并十竒散菴豆粉等藥大率以狗寶丸為先以烏龍膏解毒次之而服餌之藥則隨藥氣陰陽虛實而用之空心服加減八味丸以助元氣俟瘡潰以針決去放膿訖然後以乳香膏傳

欽定四庫全書

普濟方

正瘡之上若尚有未盡膿則于膏藥當中且剪一路以通膿水欲盡以生肌散敷瘡口仍以乳香膏覆之更不須剪破膏藥乳香膏一日一換候瘡口初合即便不換膏藥以烏龍膏之功在于消腫解毒散之功在于收暈暈收即不須用解毒散而烏龍膏直候瘡潰敗膿出盡然後已○癰發背者皮薄腫高多大椒眼數十粒疽發背者皮膚頑硬狀如牛頭之皮二證皆宜灼艾癰成膿則宜針其鍼宜用馬銜鐵為之形如薤葉樣兩面皆利



可以橫直裂開五六分許取去毒血覺便輕須先灸而後裂可服神仙追毒丸利去毒根次服排膿托裏藥調治疽成膿則宜烙可用銀篦大二寸長六寸上燒令赤急手熨烙毒上得膿利為效亦服神仙追毒丸排膿托裏藥調治○凡療癰疽用針灸點烙其功甚大嘗有一婦病癰在背之左高大而熟未破之間有醫者云可烙彼時有一老成人云凡背之上五臟俞穴之所繫膈膜之所近烙之不得其法必致傷人醫答曰但宜淺而不

欽定四庫全書

普濟方

宜深宜橫入而不宜直入恐傷破膜子宜下而不宜上恐貯膿血得此訣儘無妨也于是燒鐵火筋烙之肉破膿出如湍水自此而愈當時直是恐人非創子手者不能為之烙後真有神效若不能識生熟淺深上下橫直之要妙不若不烙之為愈○陳日華云世人于瘡癰始發輒用針灸十死八九蓋毒方殷以火助之宜其危也聞烙之功却大方其已熟未潰之時用鐵一烙極是快事方扇火欲着時誠是恐人予久聞此深知其功于臨



時猶且顫悸況於未曾經得効之人乎烙後膿水流通者百無所忌名曰熟瘡只忌鷄肉恐瘡突開穴口宜向下要膿水流通仰則倒貯然須是熟于用烙者識淺深知穴道審生熟非其時則所出者皆是生血當其時則出黃膿瘀肉予見人烙瘡者甚多用尖針烙者不得法用平圖頭者甚妙蓋要孔血通透尖針頭細其名易合徒爾嚇人針出復合未必為功惟用平圖如鎖衡緯鋌之類乃妙即烙得通不得治者使用法傳之不能保養

欽定四庫全書

普濟方

瘡口必合口合則不能必其效用牛膝根之法亦為妙也治癰癤不問老幼少壯初發癰腫興作使用灸針亦是開門放出毒氣之一端也療癰疽諸般瘡癤欲愈必痒及療腎臟濕痒妙方鹽之功甚傳予一日脾上生一癤以火烙之作效數日瘡口欲合四邊痒甚不可忍令人以絹帛蘸湯熨洗甚快快定復痒再熨再痒三熨覺倦醫者云凡洗熨最損人氣血每見病疽之後被痒洗熨隨至眩絕是時予痒併作醫者取鹽一撮于瘡上揉



擦便覺瘡內外清涼少定作一般美快更不復痒嗣後
偶灸瘡臨可作金櫻子痒甚取鹽擦之其效如初痒甚
則重擦隨其輕重不覺損人鹽入瘡口亦無妨害嗣後
身體或有痒處亦以鹽擦隨即除去且復佳甚世人多
有于瘡癬初發時用油鹽以亟擦之令熱遂結聚不成
亦此意也癬初發時取五更未語之唾以手替抹亦是
一法腎藏濕痒無法可治亦用鹽擦得效此親試也○
夫癰疽者頭少腫處多出膿不快者宜針烙膿未盛以

欽定四庫全書

普濟方

前不可不以諸藥貼熯救療以安病者之心膿成即當
棄藥從針烙也既至膿成即當決意不可疑懼痛頃刻
之間以至內潰古今同弊斯疾十有八九深識之士當
斷去就夫患癰疽已成結腫須有出處藥之無不針針
無不瘡未有不針不刺而瘡者針刺及時而不瘡者夫
痛之極也衆熱聚攻膏膜為之腐爛肌肉為之敗潰內
通貫臟腑若不針烙決潰熱毒無從而出膿瘡無從而
洩或過時不針即反攻于內內既消敗欲望其生豈可



得乎則針烙取瘡實為良法疑而不決為必死之患或
隱諱此藥或懼痛不針此神奪其識死期將至癰則皮
薄宜針疽則皮厚宜烙古法無烙惟有針刺烙即火也
亦謂之燔針劫刺以其有劫病之功也今用烙法多瘡
殊穩妙于鉄針法本用鉄烙法當用火針如似火筋磨
頭令尖如棗核圍滑用燈焰燒須臾火作照數蘸油燒
令赤皆須近下面烙之一烙不透即再烙之令透若其
攻稍廣即須散烙數處並令透則氣疎達膿水易出不

欽定四庫全書

普濟方

假按仰實者撚髮為絛虛者以紙為絛塗引膿膏藥絛
之兼以膏藥貼之常令開潤勿令急燥若其人羸瘠勿
頓出膿徐徐令出癰疽廣大膿多者懼一時之痛不肯
四畔多不針烙唯開兩三處而已欲望早愈不亦難乎
常見有開腫者不審淺深所烙或當時無膿經宿方潰
或下針不出別處生頭或抑捺焮動益加損痛真氣轉
傷經云病淺針深則氣血伏沉病深針淺則毒氣不洩
反為大癰也如務求速瘡腫內餘膿及膿未盡便令瘡



合後必再發諸發腫都輒而不痛者即便宜針烙若發於背者即須用水角乃得痊愈○凡癰癰疽發背腫高堅硬膿稠焮盛色赤者用水角陷下肉色不變輒慢稀者不用水角角法于寬靜室中不當風處平實地掘一小坑口稍濶于瘡腫深一尺以下去此坑二尺外又為一坑子口闊三四寸傍穿兩坑令相同灌水並令去坑面二寸于地上要背下先鋪油單三兩重辟地氣即以席薦東西鋪坑口兩畔令患者以瘡合坑上無令偏側

欽定四庫全書

普濟方

腰間布氈褥務令安穩則得久角角口兩畔以繒帛遮擁兼蓋覆水坑口勿令通泄熱被水引下滲地中卧一炊久為度于滯膿血並洩角中熱盛者日夜三四遍腫氣不侵每日或兩度亦得候其毒解熱退水角中間以痛醫昧於深理就施針艾尤不能精用水角則太早以火攻則稍遲何者疽之萌生而用水角則內熱毒畏冷逼之却入腠理皮肉堅厚毒氣內堅肉變為膿以致內潰深可哀也疽之已成而乃火攻則火毒相擊令人煩



悶加其虛憊可不慎乎或富貴之人遭遇此疾多貯水銀以為水角尤妙用水銀法揀穩實地穿一坑口稍闊於瘡腫處深可四五寸先於坑中布紙五六重襯水銀諸餘鋪設一依前方其水銀多至一升已來如無只三五合亦得○今之名外科者多是膠柱不善變通立性龕率惟以針刀為快始用毒藥塗擦其外內施冷藥以虛其胃外以塗藥閉塞毛竅致使毒氣無從所出內外交攻血氣溷亂則正氣愈虧邪氣滋盛其瘡腫舉根脚

欽定四庫全書

普濟方

散濶而患者疼痛昏迷恣其所措毒勢爛漫却云痛者易療操心剛很輕視人命以規微利却以軟言慰諭病者殊不興念人之痛楚頃刻難堪反以毒藥麻癡好肉務施刀剪云去蠹肉如此為醫與屠劊何異哉言至於此惻然寒心故善惡之證全在醫之工拙所致○患者忌作勞叫怒嗜欲飲食如乾濕麪炙燂煎炒醃物法酒生冷油膩牛羊鷄鵝魚並不可食性熱者發熱冷者損脾胃毒者發病皆當戒之病者之房深戒有腋氣之人



并有孕婦人月經現行婦人孝子僧道毋令入房房內
常令洒掃潔淨焚好香氣方使血氣流暢易得安愈合
藥之時亦忌此等見之又忌見鷄犬猫畜

諸癰疽

附論

夫癰疽瘡腫之作者皆五臟六腑蓄而不流則皆有矣
非獨因榮衛壅塞而發者也其行也有處其主也有歸
假令發於喉舌者心之毒發于皮膚者肺之毒發于肌
肉者脾之毒發于骨髓者腎之毒發于下者陰中之毒

欽定四庫全書

普濟方

發于上者陽中之毒發于外者六腑之毒發于內者五
臟之毒故內曰壞外曰潰上曰從下曰逆發于上者得
之速發于下者得之緩感于六腑則易治感于五臟則
難瘳也又近骨者多冷近膚者多熱近骨者久不愈則
傳氣成漏成蟲則多痒少痛或先痒後痛生漏則多痛
少痒或不疼不痒內虛外實者多痛少痒血不止則多
死膿疾潰則多生

方



藤黃飲子 治一切癰疽瘡腫

金銀花 黃耆 防風 川烏 羌活 大黃

赤芍藥 薄荷 連翹 麻黃 當歸 石膏

黃芩 桔梗 白朮 白茯苓 荆芥 甘草

各三錢 山梔子 半兩 人參 七錢 滑石 六錢 芒硝 一錢

右為龕末每服半兩水二盞生薑三片或白水煎服

大內塞排膿散 治發背癰疽經年痊後復發此因風

火或結氣內經脉閉塞至夏月以來出攻於背久不

欽定四庫全書

普濟方

治腫聚作膿血為瘡內漏

山茱萸 五味子 茯苓 乾姜 各六錢 甘草 石

斛 人參 桂心 芍藥 巴戟天 麥門冬

乾地黄 菴蓉 遠志 各八兩 當歸 石韋 芎藭

各四兩 附子 二分 地膽 兔絲子 三分

右末酒服方寸匕日三夜一外臺秘要有瞿麥一云

地麥膚子無地膽稍加之常服終身不患癰癧

乾地黄丸 凡壯熱人能常服之終身不患癰疽令人



肥悅	乾地黄 <small>兩五</small> 芍藥 甘草 桂心 黃耆 黃芩	巴戟天 括萎根 遠志 <small>各二兩</small> 石斛 當歸 大	黃 <small>各三兩</small> 人參 <small>一兩</small> 天門冬 茯苓 <small>各四兩</small>	右為末蜜丸如桐子大酒服十九日三加至二十九	李根皮散 治癰疽發背及小小瘰癧曾有人患骨從	瘡中出兼有三十餘癰癧服此散瘥	李根皮 <small>升一</small> 括萎根 半夏 <small>各五兩</small> 通草 白斂 桔	欽定四庫全書 普濟方	梗 厚朴 黃芩 附子 <small>各一兩</small> 甘草 當歸 <small>各二兩</small>	葛根 <small>三兩</small> 桂心 芍藥 <small>各四兩</small> 芎藭 <small>六兩</small>	右治下篩酒服方寸匕日三瘡大困者夜再服之	狗寶丸 一名寸金丸二名返魂丹三名再生丸四名	追命丹五名延壽丸六名來甦丸七名知命丸八名	得道丸若有患瘡身未爛者與三丸服之嚥下便活	如口噤斡開牙關研下三丸灌之下咽喉中立生此	方善治發背腦疽癰疽癰腫偏身附骨腫痛先覺時
----	--------------------------------------	---------------------------------------	---	----------------------	-----------------------	----------------	---	---------------	--	--	---------------------	-----------------------	----------------------	----------------------	----------------------	----------------------



飲入口中煩渴發熱發寒四肢沉重身體壯熱癩瘰
疔瘡普皆治之

蟾酥錢二狗寶一而金頭蜈蚣七箇頭尾全用膩粉羊酥炙黃色雄

黃沒藥錢各一南乳香錢各一狗膽不乾者用之麝香一分

霜黃蠟錢各三烏金石錢一硃砂半兩頭首兒孩兒乳

一箇乾合黑金膽者用之

右同為末除黃蠟乳汁二味熬成膏子同為丸如棗

豆大小兒如芥子大小每服一丸病重者加至三丸

欽定四庫全書

普濟方

用白丁香七箇研爛調新汲水送用衣服蓋出汗為

度大段疼痛無頭瘡腫不過三服立效已後只喫白

粥常服十宣散留頭與四邊以後烏龍膏貼之一方

有鉛白霜

排膿內塞散 治大瘡熱退膿血不止瘡中肉虛疼痛

楊氏家藏云名內補散治癰疽瘡癤未成者服之即

散已結就者服之速潰敗膿自出惡肉自去疼痛頓

減飲食如常不生嘔吐諸般惡疾

一名內補
防風散



右 吹 咀 入 生 地 黃 汁 五 合 如 無 用 生 乾 地 黃 五 兩 剉	檀 羚羊角 <small>各一兩</small>	黃連 射干 黃蘗 白欵 甘草 <small>炙</small> 朴硝 紫	木香 犀角 大黃 梔子仁 升麻 黃芩	木香 搗 腫 湯 治 諸 瘡 疽 如 發 腫 焮 增 長 熱 痛	以 搗 烏 龍 膏 貼 之 一 方 有 鉛 白 霜	熱 之 勝 也 已 後 只 喫 白 粥 常 服 十 宣 散 留 頭 與 四 邊	前 損 杜 後 患 也 不 飲 酒 人 濃 煎 木 香 湯 下 然 不 若 酒	欽定四庫全書 普濟方	日 夜 各 數 服 以 為 妙 服 至 瘡 口 合 更 服 為 佳 所 以 補	人 參 當 歸 黃 耆 加 二 兩 外 餘 各 一 兩 為 末 溫 酒 調 下	無 茯 苓 附 子 赤 小 豆 遠 志 名 十 全 內 補 散 所 用 藥 惟	方 每 服 三 錢 不 拘 時 候 氣 實 并 少 壯 人 去 附 子 一 方	右 治 下 篩 酒 服 方 寸 匕 日 三 夜 一 溫 酒 米 湯 調 下 一	子 <small>二枚</small> 赤 小 豆 <small>五合酒 浸熬</small>	參 芎 藭 當 歸 黃 耆 <small>各一兩</small> 厚 朴 <small>二兩</small> 桂 心 <small>二分</small> 附	防 風 茯 苓 白 芷 桔 梗 遠 志 甘 草 人
--	--------------------------------	---	-----------------------------------	---	---	--	--	---------------	--	--	--	--	--	--	--	---



碎和勻每用藥五兩水一斗煎至七升入麝香五錢 淨帛蘸藥熱搗腫上日兩三度冷再換	荆芥散 治一切癰疽不問發肩背作響疼痛並宜服 此疾便消散其效如神	荆芥 薄荷 山蜈蚣 老翁髮 天花粉 茹	蕘 茹片 敗荷心 川白芷 赤芍藥 猪牙	皂角 <small>切炒以上 各等分</small> 淮烏 <small>大者一 個煨</small> 紅內消 <small>倍其 數</small> 甘草 <small>每 十</small>	<small>五文入一文 喜甜加用</small>	欽定四庫全書 普濟方	右為末每服二錢薄荷茶清調下欲快利用酒調效 若服經日未見效恐是涼藥澁血可加當歸羌活如 熱重雄黃酒調乳癰加萱草根研汁調其餘候只用 酒下不則麥門冬去心煎湯亦可但較緩耳	敷藥 諸般疽發腫赤痛不可忍未成覺散已成覺破 用至瘡口合而止	荆芥 <small>和根 剉碎</small> 赤芍藥 大栢皮 土當歸 山大黃	白芨 赤欵 白欵 寒水石 <small>煨或 炒</small> 草烏 <small>各等 分</small>
---	------------------------------------	---------------------	---------------------	---	-------------------------------	---------------	---	----------------------------------	---	---



土白芷	天南星	赤小豆	商陸根	<small>即中榕根 剉片子</small>
右為末生地黃自然汁調角四畔或苦蘆根汁腫用				
商陸根研汁未潰則滿體塗上或有尖起處則留出				
瘡口				
萬金膏 治癰疽發背互發癩癧陰毒痛不能忍並治				
或有腫毒侵內沉伏者吸毒於外				
川烏	草烏	白芷	黃栢皮	藁本
荆芥	蟬退	肉桂	白蠶	赤小豆
乳香	沒藥	蠶沙	天花粉	
欽定四庫全書				
普濟方				
右等分為末薄荷汁和蜜調塗患處以紙掩住或姜				
汁地黃汁調搽皆可如乾用地黃汁薄荷汁皆可刷				
濕				
木通散 凡內消先用此藥退潮止渴解熱以升麻葛				
根湯表散後服此藥				
木通	瞿麥	荆芥	薄荷	白芷
天花粉	甘草	赤芍藥	麥門冬	<small>去心</small>
生乾地黃	山梔子			



車前子 連翹 各等分

右剉散每服二錢燈心地黃煎熱潮加淡竹葉煎溫

服上膈食後下膈空心老人氣虛者宜加當歸羌活

李嗣立五香連翹湯 治一切積熱惡核癰瘰癧疽惡

瘡發背

乳香 甘草 木香 沉香 各七錢半 連翹 去蒂 射干 即

蓄根云 升麻 當門子 黃芪 生去皮 木通 去節 桑寄生 人治此疾如無

真者可倍用 獨活 已上各七錢半今鋪中只是前

欽定四庫全書

普濟方

妙 丁香 去枝梗不見火半兩 麝香 一錢半另研

右為粗末每服三錢水一盞煎至七分去滓溫服銀

器煎尤妙如無銀銚用磁器入銀一片或釵環之類

同煎其中無大黃多服無妨大便秘者加大黃七錢

半外科精要云服此二日後與漏蘆湯相間服之一

方有大黃無黃耆一方加藿香本方原有竹瀝芒硝

恐泥者不能斟酌故缺知者自加又一方無丁香

五香連翹湯 治疽作二日後宜以此藥之去五臟毒



氣神效		桑白皮 <small>無好者寧缺之</small>	木香	連翹	沉香	黃耆	升
麻	木通 <small>各七錢半</small>	麝香	獨活 <small>各七錢半</small>	丁香	乳香 <small>另研</small>		
大黃	<small>剉炒</small> 甘草 <small>各半兩</small>	右呶咀每服四錢水一大盞煎至八分去滓溫服					
乾地黄丸		治虛熱消瘡癰					
乾地黄	<small>四兩</small> 大黃 <small>六分</small>	芍藥	王不留行	茯苓	甘		
草	遠志	麥門冬	人參	升麻	黃芩 <small>各三兩</small>		
欽定四庫全書		普濟方					
桂心	<small>六兩</small>	右為末蜜和丸如桐子大酒服十九日三加至二十					
麻黃芩		丸一方枳實三兩一方無甘草遠志麥門冬人參升					
神祕陷脉散							
黃耆	人參 <small>并去蘆</small>	川當歸 <small>酒洗去蘆</small>	川芎	赤芍藥			
粉草	地骨皮	五加皮	忍冬葉	橘紅 <small>各一兩</small>			
乳香	沒藥 <small>並另研各半分</small>						



<p>右為粗末每服三錢水一盞酒半盞煎至一盞去滓不拘時溫服</p>	<p>排膿內補散 治發背瘡潰後因飲食有傷調攝不到發熱不住用以退熱 <small>一名梔子 黃芩湯</small></p>	<p>漏蘆 連翹 山梔仁 黃芩 <small>去心</small> 防風 石韋 <small>如無</small></p>	<p><small>用桑白皮</small> 甘草 生犀角屑 人參 <small>去蘆</small> 苦參 <small>去蘆</small> 白茯苓 <small>去皮各二錢半</small> 黃耆 <small>一兩 去蘆</small></p>	<p>右為粗末每服四錢水一中盞煎至六分去滓溫服</p> <p>欽定四庫全書 普濟方</p>	<p>竹葉黃耆湯 治癰疽發背煩渴及一切惡瘡</p>	<p>淡竹葉 <small>二兩</small> 生地黃 <small>八兩</small> 黃耆 當歸 川芎 甘草</p>	<p>黃芩 <small>去心</small> 芍藥 人參 麥門冬 <small>去心</small> 半夏 <small>湯洗</small> 石膏 <small>各三兩</small></p>	<p>右為粗末每服五錢水一盞半竹葉五片生姜五片煎至一盞去滓溫服外臺秘要有大棗三十枚擘</p>	<p>五香連翹湯 如有不用五香曰七味連翹湯</p>	<p>沉香 藿香葉 木香 <small>各一兩</small> 麝香 <small>一字 另研</small> 丁香 <small>一兩</small> 射</p>
----------------------------------	--	---	--	---	---------------------------	--	--	--	---------------------------	--



干獨活 寄生草 升麻 <small>各一兩</small> 甘草 <small>炙一兩</small> 大黃 半 <small>一兩</small> 連翹 <small>一兩</small> 右七味㕮咀和前五味勻每服五錢水一鍾半煎至 一鍾去滓溫服取利為效未利再服食前方內五香 為粗末另研	欽定四庫全書 普濟方	普濟方卷二百八十二
---	---------------	-----------

